

MJESEČARI

Isidora Bjelica

ISIDORA BJELICA je rođena u Sarajevu 10. XII 1966. g. gdje studira komparativnu književnost sve do preseljenja u Beograd 1986. Objavila je dvije knjige priča »Prvi probudeni« 1986. u ediciji »Pegaz« Književna omladina Srbije i »Gospodar sretnih predmeta«, »Sfairos« 1989.

Kad je Pandora upoznala Sokola bio je mjesec vreo i užaren, ili se sa zemlje sašao tako činilo.

Soko je bio mjesecar, i da mjesec nije bio tako gust i obavijen crvenim maglama, nikada ne bi sred Pandoru.

Pandora je bila natovarena jednim teškim grijehom i šetala je pored rijeke, pretvarajući se da je mjesecarka, ruku ispruženih i zatvorenih očiju. Nad Pandorom mjesec nije imao nikakvu moć, ali joj je bio opravdanje da žmireći tetura pored rijeke. Mjesec nije mogao znati da se Pandora pretvara.

Ovako je mogla mirno da razmisli o svom životu pa, ako shvati da ne vrijedi više živjeti, da se baci u rijeku i okupa ili udavi. Rashladni, prehladi ili umre.

Sa druge strane, i ako ne odluči da se baci u rijeku mogla je mirno i neodgovorno da turma po travi i šetalištu i da baš niko — ni mjesec, ni psi, ni drugi mjesecari ne znaju da ona nije u vlasti mjeseca. Tako je, bar, (koliko se misli mogu očistiti i odvojiti) razmišljala Pandora, sa nepravilnim crvenim loknama urezbarenim u mrak.

Juče umro joj je jedini preostao udvarač, crven i zdrav. Prepuklo mu srce i otisao ko zna gdje.

Petnaest dana ranije drugi udvarač se utoPIO u svojoj dvadeset šestoj godini i rekli su Pandori da je to bilo čudno i glasno davljene.

Još nije palo ni lišće pod kojim je stajao njen treći udvarač, koji je nestao sa neke prašnjave bezglasne ulice i nikada se više nije pojavo.

Stresla se Pandora i uzdahnula, isprepada na da bi joj tog trenutka moglo prepuci malo i, možda, nezdravo srce, natovareno strahovima i mjesecinom.

Naježila se i ukočila Pandora i baš kada se uhvatila za, uostalom možda i veliko, srce naišao je Soko koji je bio mjesecar i koga je — već pomenuti užaren i vreo, prenabrekao i opasan i bez vukova da zavijaju na njega — mjesec, izvukao iz kuće upravljujući sa njim kao sa vodom ili ženskom utrobom.

Udarila je Pandora u Sokola i Soko se razbudio, a Pandora od udara zaboravila na srce.

Tako su Pandora i Soko na obali rijeke razmjenili riječ ili dvije i onda se Soko istrgnuo mjesecu, a Pandora strahu.


Poslije dva mjeseca Pandora i Soko su se držali za ruke, ljubili i Soko je znao Pandoru napamet kao molitvu, a Pandora Sokola gotovo na pamet kao ne sasvim naučenu pjesmicu.

Pandora je Sokolu priznala svoj ogroman i težak grijeh (koji može interesovati čitaoca, ali ga ne smijemo navoditi). A Soko je Pandori, teško kao kad zamišlja azijske ptice, priznao svoja tri grijeha (koji su manji od Pandorinog i čudnovati, ali ih je sama priča izbjluvala kao nepodnošljiv ukus, iako bi ih radoznao i grijehu sklon čitalac mogao usvojiti sa velikim zadovoljstvom).

Onda je Soko zaprosio Pandoru i, sve u svesmu, ako se izuzmu slani i razbacani plačevi i drhtavice zbog preosjetljivosti i otkrivanja još grijehova i slabosti, moglo bi se reći da su Pandora i Soko imali sve šanse da se prepoznaju u posljednjoj rečenici bilo koje bajke koja se bavi lovom na princeze i prinčeve, da se nije desilo nešto strašno, strašno čudno...

Naime, taman se Pandora smirila, ozdravila, ojačala, spremila dušu, utrobu i srce da rada i bude žena. Koža i uši joj se privlikli na Sokola; kreveti i maženja omilila, obrazi rumenili od same i čiste radosti, tepanja i stiskanja kad je desetak dana pred svadbom Sokol izveo u nedjelu šetnju.

Šetnja kao šetnja, mislila je Pandora. Onda joj je Soko rekao da će šetati po groblju. I ona nije imala ništa protiv. Rekao joj je da je



očaja, kao kod teških bolesti i objavljenih rata. Na kraju Pandora sama postala je tuga i samo su uši nezamućene slušale kako Soko pobožan i zanesen, osunčani mjesecar, govori o smrti i duhovima, Jelici i Mihajlu, oplakivanju i...

Pobjesnjela je Pandora, dovedena iz kreveta na groblje, iz tepanja u jecanje, iz smijanja u plakanje i pomislila da to Soko samo izmišlja sve te priče i umiranja, grobove i Jelicu, duhove i Pakao. Pomislila je od očaja ldua Pandora, bez oblaka da se oči osalone, da je sve izmislio njen Soko samo da bi njenu dušu razmekšao i očistio.

Do žuči naljučena Pandora umislila je da je Soko izmislio i smrtnovice i ubio udvarače, poslao ih na Tibet ili Cejlon, potplatio ih. I groblje je sagradio Soko i izmislio mrtvu djecu da bi svoju nosila sa većom mekoćom i nježnošću. Jer od besmrtnosti i sreće mekih kreveta i njezog milovanja uzholiha bi se i ogrubila.

Smrt — sricala je misli Pandora — samo je izmišljotina njenog ljubavnika, kao i bolest i starenje. Samo da bi se ljubav uvećala i sačuvala. I poželjela je da se, kao sasvim mala, zarije nosom i trepavicom u krilo svoje majke i prisotno pitanje:

— Hoće li mi šta biti?

A da ona uz smiješak, koji čvrsto vezuje za zemlju kao i srpska imena i obećava trajnost i radost, kaže da neće.

Ali na svu njenu nesreću i bijes, tugu i nagon za udaranjem, Soko nije obećao ništa slično. Naprotiv, dao joj je ljubav i vjernost, čvršću od svih srpskih imena, ali joj je ponovio da će da traje kratko, dobije spomenik, umire, putuje gore ili dole.

Ne putuje se nigdje Pandori. Ona bi da se zdrava valja po krevetima i raznježena kuva ručkove. I stalno čeka u koračanju do izlaza ka groblju da prizna da je sve to izmislio — i Jelicu i smrt i putovanje i razboljevanje. A on šuti i smješka se.

Na kraju na ulici, čvrsto odvojenog od groblja, bez jednog mrtvca — na njoj ona diše slobodnije. Hvata ga za mišice i vuče ga ka njihovoj plavoj sobi i vietnamskom ciljnu da ga zagrli.

Sada zna Pandora da je Soko sve izmislio, kao što djeci čitaju tužnu poeziju koju pišu bludni pjesnici da bi se duša nježno ukalupila.

Iznenađena, metar, dva-sasavim blizu nje, u buci ulice, jedna velika i lijepa, crvena, tek obojena kola, sa japanskim nazivom, jurnula su u neko srpsko ime i Pandora je čula samo — »Milane!« Udar i čovjek se suočio pored nje i umro. Žena je dotrčala. Krv se nepravilno ucrtvijena prosula; kosti pukle...

I	je
shvati	strah
Pandora	od
Soko	kog
nije	se
izmislio	ne
smrt	PLAĆE
i	već
uhvati	KLEĆI

Uveće kad se mjesec pun Sokola izvlači napolje, na rijeku, on sa ispruženim rukama i spuštenim kapcima tetura, nesvjestan i omadjan.

Prestrašena i tiha, Pandora, sa ispruženim rukama, šklijec, izlazi za njim i prati ga i mjesec misli — dva mjesecačara.

Pandora šuti i ne govori — ni Sokolu, ni mjesecu, ni drugim mjesecarima. Ništa. Već korača za njim, iako je mnogo mnogo strah, iako mu mnogo mnogo zavidi, ali ovako ga pazi da ne upadne u rijeku, ako mjesec to poželi.